



墨花吟館輯志四函

和
1964



和6
1964
卷

吟	墨
人	墨
館	廿
館	上

輯
志
圖
卷

芝僧同年屬題

庚寅閏二月

曲園俞樾書



新繪書院




孩餘叢攷 瑞琳

八旬老母
起居自如
曾孫繞膝
看兒著
書 緇生


瓶酒借書

瑞琳

借書一癡
還書一癡
定文敬禮
繡以色絲
連叟



蓬窓載筆
琳
扁舟獨往
風景四皆
山川奔遠
信筆所之
達叟




湖海
空際
對景
新畫
珠閣書





畫
景
山
川
平
遠
風
光
不
散
雲
霞
滿
目



萬花飛
處獨坐
高樓隱
居求志
歲脩息
游光緒
己丑桐
溪蓬叟
嚴辰白
題

海濱閉戶
右輯志四首
舅父大人命無救求
訓誨錫沈瑞琳

芝僧同年以輯志四圖見示余既為題端
各賦四言一首即用自題原韻
甌北叢考以此不為彼考據家此傳
信書勿泥字義為執為癡日飲止
回大勝表也 煙波好處意興未時
飲公馬上舟中勝之 昭昭送父爰
有送樓此修志交敬告後游

曲園居士俞樾



墨花吟館輯志圖記

天下事眾擎易舉獨力難支惟修志一事往往敗於眾
而成於獨其故何哉烏程汪謝城廣文曰楨為著作名
手曾告余曰某嘗入湖府志局矣方其初聚眾約法其
矢擇精語詳但皆視為公家事而無引為己責者數月
後人心漸渙浸至廩粟虛糜課程莫問淹滯歲時公費
漸絀而汗青無期局外之謗稍稍起乃謀為急就章以
塞眾口雖有滿架圖書不及考也且又急付手民無暇
校勘抵悟躋駁固所難免所最甚者職官表失載現任
之知府科目表失載本省之舉人雖其精詳處亦自可



觀而疎漏顯著無可解嘲衆修之弊大率如是轉不如某當年獨纂南潯鎮志不限歲時不求贊助閱書數千卷成書數十卷居然愜心貴當云云余時正修桐志覺其言悚然動聽乃亦自矢獨纂此志遂爾歷時十餘年閱書百餘部從容編纂克告厥成雖自問才學識一無所長而心則不可謂不盡且較之舊志固已煥然改觀足稱美備不禁躊躇而滿志焉雖然修志一事必閱百年或數十年而一舉其中殆有數存而余之得成此志更有際遇在焉何言之凡修志必先籌款然苟募捐衆戶則遷延不就必致衆議沸騰今余不募之下而請之

上故衆人不能顧問且先請得修志專款繼又爲保嬰津貼請得善舉絲捐歲有贏餘亦可貼補修志故經費頗覺裕如先以百金聘鍾子勤孝廉竟爾受聘不來嗣又請黃德卿明經代撰志稿已有成書因其專尚簡括不事搜羅竟不能用而不能不酬其勞先後贈以四百元巨欸浪擲而可以無所顧惜者以利權爲我獨操也後乃有志大修凡一切購書之費繪圖之費鈔稿之費以及往來資斧均所不惜繼而隨編隨刻適值海疆有警恐致中輟復將刻就各卷先行印送又將輿圖及八景亦先行刊送以防事變有阻又名宦錄已刻成因稱

謂與人物傳不能畫一復行改刻此皆格外浪費而爲勢所不能惜者幸得府志派捐時兼派縣志刻費千元故得刻工無缺但少印資總之經費有着聽我取携旣無因以爲利之心即可不存省嗇而用之見遂得放手爲之此實際遇之不易得者一也凡秉筆修志者必才望爲衆所推乃可不遭物議余先計邑人才名最盛者莫如沈穀成庶常味畚孝廉昆季特以此事推袁而兩君皆力辭不任余乃起而任之則兩君不復能議我後而此外縱有能者皆非畏友且余旣忝邑紳復充山長修志之舉自行稟請大吏發款承辦故雖遷延至十餘

年之久而官不能督紳不能催諸生更莫敢干預竟可高詠少陵能事不受相促迫一語以徜徉乎著作之場至於一切體例則余實竊取李二曲母以書爲師不必以人爲師之說廣求各省府州縣志擇善而從故雖多新奇之論於達例不能無違而特筆要皆有本卽有罪我者亦復有所藉口總之天下事無掣吾肘乃能曲盡吾心正不獨修志爲然此尤際遇之不易得者二也凡徵文考獻之事必須略通聲氣薄有交游而斷非跼居鄉曲所能辦余與當道素有往還故志中所撰新設貢弁表凡釐捐防營之制度皆由省局武營抄送案牘不

費分文而本邑文卷索之掾吏者無敢匿采訪屬之里
胥者無敢抗所最幸者素識杭州丁松生大令丙藏書
最富且不吝借承其假觀書籍不下百數十種且復代
覓桐人遺籍以供采擇而如清秘述聞各部則例等書
外間無可購者託人遠購之都下至檀孝子一傳以桐
城誤爲桐鄉適得王以軒同年思沂觀察皖省馳書問
訊承其抄志見寄以資辨證而沈忠烈如潮傳稿且遠
訊其後人於桂林六千里之遙蓋訪問徹乎上下購覓
徧於邇遐苟無人力安能坐致此又際遇之不易得者
三也得此際遇三端乃克纂成一志豈易言哉豈易言

哉方今東南著作家首推德清俞曲園前輩樾余時有
所作輒往就正偶及獨任修志之事乃色然而訝曰君
果能獨任其事書成必有可觀其實並未知余若何纂
輯而遽以虛譽相加者蓋亦深悉衆手雜糅之弊不如
獨纂也然書雖成而余之精盡於弓矣前年患聾去年
患瘖今年百病叢生兩次偃臥牀第無所事事既編年
譜一冊復念輯志一事備嘗辛苦因特屬沈硯傳外甥
爲繪四圖一曰陔餘叢考圖繪在立志講舍侍母清談
堆書滿案兒婦諸孫環立於前襲用甌北書名取其恰
合也一曰瓶酒借書圖繪在杭州書局據案秉筆而借

書丁氏一僮抱冊一僮提壺不庭下一日蓬窗載筆
圖繪一葉扁舟往還吳越間手揮斑管日送青山頗得
容與中流之樂一日海濱閉戶圖繪在春申江上高樓
獨坐四壁圖書揮灑自如不復知戶外事統題曰墨花
吟館輯志圖從吾詩集之名也題詩廿二章附圖記後
生前身後得荷知交題跋一并刻之余非敢自伐其功
不過記成書顛末用告我邑中後起之秀俾共知我苦
心而勿輕視此志也是為記
光緒戊子重陽後七日達叟嚴辰倚枕書於春申江上
之隱居求志篋

自題墨花吟館輯志圖廿二首

潛庵而後楊園繼代產名賢在此都應識鍾靈真吉壤
不須爭勝向他途堪輿家以產聖賢者為第一吉壤而帝王次之科名袞袞三
元缺仕宦隆隆一品無獨有兩公躋兩廡足光志乘耀

寰區

普天率土莫非王政何妨一邑詳

卷首四門曠典本

無遺僻壤名人况獨荷

奎章

純廟題畫

作

賜書恭繳

文瀾富

鮑氏圖書集成繳歸

路曾經阜驛長都是水國家全盛事欣然載筆有輝光
改題八景煥新編識小何如識大賢舊志八景右史左

圖當有據三鄉五市得其全揚園及山雙橋三純儒烈

士何能朽古塔名山亦足傳更有大營關鉅典問誰

秉筆竟遺焉舊志不載玉溪大營實為疎漏新志既

黃巾謁聖也升堂遺像公然戒毀傷桐學先師及四配

是明遺粵匪之亂竟不見毀神物自徵呵護力兇頑亦有感通方讀

書最樂興書院好善為優列善堂並與學宮同建置願

教文行共流芳善堂附學宮後亦此志創格

無端擲筆為欲歎食貨編成兩卷書聖代輸將原

有制貪人培克竟無餘收漕新章只準每石收耗米二

矣斗新章空自頌君相中飽非徒在吏胥獨附野貓

歌一闕要他傳誦徧鄉閭余乙亥年所撰野貓歌刻入新志

簡陋誰能舊志沿敢誇事事勝於前人分八表資參訂

文錄三門有補編選舉志五表官師志三表一卷農桑

求別籍六鄉水利采新篇農桑物產不用舊志采之烏

水利兼采先外祖王竹嶼先生浙西水利備考諮諏更有周爰處十四都區采

訪全津梁寺觀各門較舊志增至

龍門尊聖世家升兩廡人宜一例登允矣于公書善讀

彼哉王氏說空騰于守尚齡嘉興府志於人物之前列

子為世家遺意王荆公乃譏太史數朝宦績推前列二

公自亂其例豈識尊聖之意哉氏騎人附下乘更與源流詳道學也因宋史有明徵

新志多增舊志無發凡四十舉其粗諸家考訂談何易

眾說參詳例不拘費我苦心科目表科目表雖仿松江府志而采輯加詳

借他妙手地輿圖徐篆香孝廉鳳銜所繪地圖實為獨絕求人求已皆求

是總冀流傳不失誣無人宜一閱登穴矣干公書

不辭冗濫被譏訕亦復矜嚴有所剛異代尚將奸佞削

莫鄰封未肯大魁攀汪如洋才人敗檢難登傳朱荃理學分

門合拒關博施惟有藝文差可附讓他名字雖其間

休嫌史法未能諳直筆依然仿董南列女創聞賢婦二

陸倪氏黃徽允張如官師節取貳臣三戴許先甲能詩胥吏才非

偽張崑以胥吏列文苑守節歌兒德豈慙汪佛奴以歌兒列節婦自古論人

崇恕道何須拘執老生談

旌典寬嚴代不同誰能執兩用其中須知綽楔拘年例

每有嫺嫺沒苦衷旌節之典前明甚嚴而楊園之母請旌已逾三十或重核事實而不拘年

例貞烈分門皆卓絕孝賢列傳各欽崇殉夫殉國須區

別首錄其人為表忠府志以殉難婦女併入殉夫烈婦實覺不類今以忠烈婦女首冠列

女似較允當

冷官冷眼選詩篇多少名人賴此傳宋小茗廣文所選桐溪詩述人各有

傳新志采錄甚多事考青溪猶有本青鎮有烏青文獻烏青

稽濮水尙成編濮院有濮川所聞記濮鎮石涇墜簡聊

堪采徐畿陸思忠諸人遺集於屠鎮得之玉鎮遺聞竟就湮玉溪鎮兵燹之餘了無遺

文可紀事獨推程略勝搜尋惜未得其全程鵬程桐溪紀略筆墨最

勝借四冊竟缺其一且適少列傳一門

遙覘及史佛頭雙纂錄餘閒坐小窗尚惜忠臣遺勝國

姚繼舜何妨孝子采他邦檀郁便升大學曾何愧雍正間曾

即比名都未肯降更為楊園破成例淵源一錄附吳江

志後附刻吳江沈日富楊園淵源錄亦創格也

妄思小邑附千秋力把 熙朝掌故搜 御論曾

將分野闢純廟御製遺碑喜有飼圖留純廟有

幸於海甯陳氏安瀾園中得之謹刊入天章門內宏

光年號無須革制義文章大可收不是 上儀逢

授太上皇帝凡述受頌揚那見四擡頭禮部則例於嘉慶元

實為千古文章盛事今於食貨下卷小叙中謹一仿之祖皆用四擡

名山著作費搜羅存者寥寥佚者多賴有選家聊撮錄

更無全集可編摩幾人有幸留遺稿邑人全集刊本一

卷何來寶制科覓得朱荃鴻博全卷獨羨孟侯文福大棗梨堆積

在巖阿周孟侯集為其子孫刊布至今書板具存

開局曾題座右箴書成幸不負初心甲戌年開修志局

優不重揚顯而重闡幽地雖百里人有千秋闡幽未

免猶遺佚補舊居然任討尋孝友何能參義行二門輕

必應分列府志併經生豈可涵儒林人物志特增經為孝義殊覺不倫

學不列儒林縱

然未敢春秋擬一字之褒費酌斟

名儒循吏並文人堂啟三賢俎豆新更向巽宮增祀秩

獨嫌俞氏少傳薪余於庚午年倡設三賢堂於桐溪書院春秋致祭後揚園祀東廡馬公祀

鄉賢惟俞公欲請祀鄉賢而未果前徽各為標佳傳後學深慙列薦紳

報 國無才甘自棄願拋心力為先民

孝義流芳有祖先椿庭近亦祀鄉賢先曾祖入孝友傳先祖入義行傳先

考入宦人誇顯秩封三代我喜宗風耀一編更有婦姑

垂範在先祖妣入賢母傳況兼弟妹受恩偏亡弟入忠烈傳

孝女傳先妣入壽母傳試披邑乘如家乘贏得千秋附驥傳

著書何地最清幽瓶酒西冷每借籌在杭州書局修志輒向丁松生大令

借書課士往來雙講舍出門寢饋一扁舟吳趨暫賃伯通

庶滬瀆時登王粲樓最憶循陔多樂事膝前編纂歷三

秋辛壬癸三年於侍母之暇從事編纂最為樂事

宏才不願任鈔胥修志之舉先推沈穀成味畬昆季皆力辭不任累及狂奴學

著書雖有椎輪求大輅既成華厦棄蓬居先由黃德卿明經撰有底

稿嫌其簡略故置而不用流觀書卷幾千百涉歷年華至十餘祇苦

此生精盡矣奄奄病榻類籛條

痼疾纏身閱兩霜欠將文債幾能償負人難向重泉見

余不能文而偏有索文者丁松生屬作文瀾閣收書記數年未應而最呼負者海甯朱笙陔廣文宜興周

小棠同年皆遺命索作文誑世幾疑六什亡廟楊園祠

忠義祠立志書院各條下皆註有記見文錄補而皆未撰四記待成胸有竹一篇欲

出筆生芒尚擬作下民易虐說假年倘得天憐我力疾

何辭補綴忙兩辭久俟文獻錄指對負人職向重泉景

不憚諄諄告後賢拾遺補闕盼他年也知欲善皆如我

豈慮斯文莫或傳博采焉能無誤筆異詞尚待攷陳編

英才輩出扶昌運好為前人一蓋愆蓋愆

宋王元之... 蘇子瞻...

題詞附後

受業弟

錦公繡

曩時東觀芸香今日北堂護茂千秋不朽棗梨母名與書同壽右題陔餘叢攷圖

名酒過求趙璧異書似借荊州巧取劍南之句遠勝江

東之偷右題瓶酒借書圖

纂修曾入史館奉使未乘星楂錯被岸傍人說一船書

畫米家右題蓬窗載筆圖

元龍百尺高樓董狐千秋直筆鑄成不磨之辭游夏烏

敢贊一右題海濱閉戶圖

以下四圖次序如前

受業子壻許

權丹九

著書閉戶已堪娛況復高堂奉起居母也扶鳩兒剔蠹
家庭樂事有誰如
孝先腹笥本便便萬卷曾經手自編尙有人閒書未見
馱來鶴背牘三千
越角吳根景略同扁舟一葉快乘風揮毫喜得江山助
不獨徵文考獻功
避地當年到海壖越南烽火正連天先生獨仗毛錐子
也當干戈奏凱旋

姪 洛 尹香

蓬山小謫賦歸田奉母鄉居二十年却喜著書承愛日

仰慈軒裏手親編

考獻徵文事必詳修書不憚借書忙西泠丁固藏書富
爲報多情媵酒漿

少小曾誇倚馬才況從史館纂修來老來贏得清閒福

詩酒扁舟往復回

春申江上有高樓閉戶潛居謝冶游漫道著書多歲月
十年辛苦博千秋

受業姪開第 少和

曾從蓬島詠霓裳歸舞萊衣歲月長輯志餘閒多著作

集編忠孝墨花香

公有墨花吟館詩鈔曾合訂先
考及七姑詩稿題曰同懷忠孝集

並於縣志立傳

聚書丁顛富搜羅却為先生借助多十載名山今卒業
才人豈被墨來磨

中流容與米家船到處名園意盡使用東坡句水綠山青書
滿載却疑公是地行仙

年少居然作壯游雄心終愧說依劉第頻年依粵東輸張香帥幕下翰

公獨擅千秋業海上高居文選樓

門人許方中少韓

師本 朝廷有用身忽教歸隱樂天倫鄉評正賴春秋
筆褒貶惟嚴舊史臣舊志誤收下里桐城檀孝子郁傳師新志考正而不刪沈忠烈如潮

傳稿且遠訊其後人於桂林皆特筆也

書能下酒足逍遙酒可澆書意更超莫怪借書還載酒

聘來黃嬭書名要黃嬌酒名

往來吳越一扁舟徧訪陳編為闡幽下筆有神風浪靜

春秋佳日恣清游

道繼楊園非隱淪貓歌一闕為斯民請從海上高樓望
猶是 國家有用身

姪潤章樂濱

壯歲陳情別鳳池萱幃愛日正遲遲歸來手創名山業
猶似青燈夜課時

西冷丁氏做幽居鄴架曹倉萬卷儲癡借癡還人莫識
要知天意助成書
越角吳根往復回徵文考獻亦悠哉著書喜得江山助
自有精神筆底來
客游尚與簡編俱未許門前剝啄呼十載躊躇方滿志
下帷功倍董江都

年再姪何國華蒔圃

斑衣戲彩畫堂東舞罷拈毫樂意融晴日一窗編纂富
千秋史筆獨推公
胸羅萬卷已無疑底事遲迴借箸窺想見虛懷常若谷

采葑采菲有餘師
舟楫何須濟巨川往還吳越自年年時將一管春秋筆
寫向風清月白前
海角高樓獨隱居潔身世外意何如董狐卓識空今古
合定鄉評不朽書

外甥馬瑞熙船西

八旬賢母是良師考獻徵文集衆思贏得箸書頭似雪
依然篝火授經時
經籍顓家丁孝公藏書萬卷棟曾充一從借得荊州返
橫掃千軍筆陣雄

書囊酒榼足扁舟容與吳山越水頭沙上鷺鷥如識字
呼名應欲附千秋

翼翼高樓俯大荒芝蘭佳氣襲青箱誰知曼衍魚龍國
偏有沈醲班馬香

姪婿許文勳 篆卿

早年珥筆向鑿坡歸卧林泉著述多更喜萱闈無恙在
親談故事付編摩

西冷深處有曹倉借箸同分翰墨香我憶歸裝書滿擔

也輸涓滴助汪洋 曩自都門歸携清秘述聞
等書呈公頗資采擇

右手揮毫左把杯遺文搜徧劫餘灰莫嫌艇似瓜皮小

容得湖山百里來 百尺高巖倚海濱
日觀林林著

幽棲不礙宅塵寰門外香車任往還天遣病魔驅俗累

助成鴻寶壽名山 此則高卦米宋
吳琳詩

外甥沈瑞琳 硯傳

風冷神山引擢迴芸香十載滿南陔拚將心力徵文獻
不負歐陽畫荻灰

有人擁卷隱湖麋文字緣深想見之轉笑前賢交誼薄

公興仁篤各居奇

倚蓬一老雪盈頭故事新聞筆底收更有滄桑難記憶

梧桐陰裏問閒鷗 無因幽對百尺巖
只恐文章大始

名山箸述千秋業海國幽棲百尺樓只恐文章光燄洩
賺他賈客啟門求

受業盧景昌 小菊

考獻徵文賴訂訛仰慈軒下手研摩斑衣舞罷揮斑管
想見門庭樂事多

交深敬禮久忘形為報多情好挈瓶不用春明來儼宅
從今佳話記西泠

一棹風清月朗天片帆高挂米家船吳根越角頻還往
合署頭銜號水仙

年來避地謝囂塵百尺高樓倚海濱他日雞林求著述

啟門有客訪春申

受業都守仁 潮孫

命名仿甌北養志託咳南心企慈暉久躬承懿訓難今

撫沈仲復先生為公妹倩太師母在日常居塔

鄉其前後歸里適仁皆有遠行不獲一承慈訓惜哉

纂文留澤永太師母寫韻樓旌善紀恩覃太師母捐

奉旨建樂善好施坊德與言俱立尊榮極大觀

具此便便腹還思廣借書摻羅知力大考訂見心虛舊

夢然藜續公曾充國史館協修歸里後又新歡枕翹

餘定文期後世敬禮共馳譽

一例園林看公自坐舟自名山在此舟遊蹤徧吳越健

筆壓曹劉稿脫十年久圖成八景收回頭棖觸甚何日
侍清遊

海濱成大隱著作定千秋鸞鳳棲能擇虬蟬撼早休已
成不朽業少釋喪明憂陸氏莊荒久傳衣愧莫酬

總題四圖

兄錫康伯雅

拈毫首述 主恩殊績出 南巡駐蹕圖莫道江湖忘

魏闕此身曾記住蓬壺

十載文窗鐵硯磨山川人物費蒐羅兩間志乘成充棟
如此精詳恐未多

忠孝家風重梓桑仗君椽筆為揄揚青藜校史思前度

分照桐溪邑乘光

弟以庶常充國史館協修官實為異數

琴閣修書憶昔年荔泉八景入吟編

余宰荔波時曾囑邑紳邱樹桐等重

修志輸君故里叨祠祿志局隨身盛事傳

以下仍分題四圖

受業高輔辰補山

帝里思親便乞身南陔馨潔夕兼晨誰知別有承歡事
家傳編歸邑乘新

荊州之借比何如瓶酒酬庸望不虛下酒更無需別物
桐溪巖志似班書

昔賢鼓柁樂烟波今載圖書意若何名士風流才子筆
與他隱逸不同科

不聽笙歌有歲年閉門著作意翛然他年海國脩圖志
定紀高蹤入寓賢

受業高佐辰 豫凡

宣文帳記設東陽 慈訓趨承近十霜 壬申春同鄉
沈仲帥任關道

太師母居壻鄉蒙 師薦之滬江依侍 伯師記室
晉謁 太師母於道署自壬至辛十年間常承 慈訓

一自板輿歸就養又添家業富青箱

兄弟同師二十年共窺經笥腹便便祇緣考獻徵文廣
更向良朋借簡編

椽筆由來鼎可扛蓬瀛曾擅譽無雙如何不作乘槎使
却向鱸鄉倚水窗

申江僑寓幾經秋著述清閒偶出游好爲此邦添故實

富春別墅 厲門顏
此四字 讀書樓

總題四圖

受業蔣廷黻 稚鶴

謂公病聾公非聾兩耳不捨牛蟻聰謂公病瘖公非瘖
霹靂摧破千人心公如飲水知水味辨何所礙聞何滯
卻從心境兩忘時濡毫寫作桐溪志桐溪志乘流傳舊
高者繁冗卑者陋公能修輯成善本故知椽筆空前後
采蘭奉母最言歡一瓚婁借曾無難汎船米老容揮翰
閉戶揚雲爲草元虎頭妙手傳神似有相無相知誰是
會須一掃文字障認取無爲老居士

以下分題四圖

許仁杰 壬伯

楊園母訓垂今古孔孟兩家無父兒白髮簪書依膝下
猶然畫荻課兒時

三樓二萬四千卷瓶酒頻煩遠寄將 丁君新築藏書處
曰八千卷樓曰後

八千卷樓曰小八千卷樓杰亦時從借讀輪與先生成絕業武功而外此桐

鄉

自昔成文稱馬上於今載筆紀舟中一枝斑管雙枝槩

自在文章水面風

閉戶著書多歲月 用成句一邦文獻足千秋花天酒地申

江夜却有龍光射斗牛

蓬山四載客星留歸奉慈幃寫韻樓頭白娛親惟箸述 桐村

墨花香滿富春裘

西泠耆舊訪丁寬萬軸多情許借觀豈為漢書能下酒

要知善本校讐難

一舸烟波望若僊坐中有叟筆如椽萬言脫手文無滯

敏捷奚殊下水船

海國人烟萬戶稠巍然獨峙箸書樓文章班馬堪攀附

肯讓元龍在上頭

外甥姪婿李朋齡 梧卿

天與南陔歲月寬著書有暇博親歡萱帷本是宣文帳
問字之餘更問安

一鷓還往在臨安老去耽書得太觀却自校文天祿後

又從湖上溯文瀾

西湖重建文瀾閣書皆丁氏所收

曾陪杖履泛輕舟親見丹黃筆不休為感先人新列傳

得公名筆足千秋

先祖廣文公得列文苑傳

當年修史向蓬萊海內才名動地雷今作厲公勤著述
爭誇仙吏此邦來

門人費燮宸

聰甫

循陔多在少年時難得高年奉母慈白髮著書承懿訓

丸熊畫荻未為奇

兩家韻事豔嫋嫋酒往書來咫尺間却笑劍南詩意陋

荊州借去不思還

蓬窗一叟獨操觚高掛蒲帆月滿湖漫比米家書畫舫

彼為名士此醇儒

海上驚濤變坦途申江風月勝名都閉門不帶看花眼
萬卷圖書足自娛

姪開裕

虎臣

考獻徵文歲月深循陔樂事此中尋詩名本自齊甌北
吳越之間兩翰林

借書彷彿到蘭臺錦軸牙籤萬卷開愧我受經年太小
未曾杖履得追陪

故鄉山水劇清幽一棹吳門作近遊天與閒身娛老福

才名不獨占瀛洲

樓居五載滬江湄志乘重編敢告疲人物品評公論在

綱常一代仗扶持

年愚姪趙景彬 偉卿

馨膳餘閒樂若何一編掌故費研摩卽看壽世文章富

已覺春暉報答多

徵遍人間未見書扁舟載酒往來徐西冷亦有鄭嘉會

肯與東坡借一車

不徒故實徵前籍遺事還應輯所聞吾鄉陳良謨日日有月河所聞

鴛鴦湖上過一枝柔櫓破溪雲

吳淞江畔浣花村那便魚龍海氣昏有客著書樓上坐

滿林黃葉不開門

集陶詩

受業夏書紳 麗笙

一欣待溫顏從都還阻歲月好已積為建威參軍歷覽

千載書與從弟疑義相與析居

正賴古人書贈羊長史挈壺相與至飲多謝諸少年擬知我

故來意古擬

鼓棹路崎曲從都還阻晨夕看山川為建威參軍使都經錢溪豈忘

游心目贈羊長史弱毫多所宣答麗參軍

焉測塵囂外桃花源詩邈與世相絕與從弟敬遠時還讀我書讀

海經袁安門積雪詠貧士

受業沈衛淇泉

畢竟晨昏戀北堂錦衣一著便還鄉名山自有千秋業

何必榮親定廟廊

鯁生三度因秋風曾厠名園作厲公浙江書局在三忠祠戴文節公舊墅

也每歸試輒寓此親見閉門揮秃筆輯禡還效陸龜蒙

越山無數送吳船中有幽人眼獨醒世事飽看渾不語

祇留汗簡照人青

海濱秋氣漸蕭蕭贏得樓居遠俗囂忽倒詞源三峽水

魚龍十萬不能潮

三

魚龍十萬不難曉
我爾好泉漸蕭蕭
那留我爾照人青
中有幽人眼
受業統
名山自有千秋業
三知水

閨秀題詞附後

兩部今圖
甲子辛與只
士曾為

文人清福有誰如
曉起循咳夜著書
一事輸君能養志

聞揚先德母懷舒

先妣嘗云
祖妣蔡太叔人持家

今輯志列入賢母傳而
妣傳矣先妣之心慰矣

腹笥便便邊孝先
定文曾放借書船
古人翻恨無藍本

研練京都到十年

越角吳根幾往回
文瀾浩瀚墨花開
笑他瀛海浮槎客

榮世何如壽世才

逸事遺聞閉戶求
斯人斯筆足千秋
海濱他日留名蹟

合配昭明文選樓

梁世碑碑書世七

妹 鈿也秋

壽母遺容尚可摹當年教子作名儒誄詞曾得傳人筆

請寫崇祠合食圖

伯妣王太夫人列桐志壽母傳俞曲園太史曾有挽聯云父在名宦祠夫

在鄉賢祠子在昭忠祠女在節孝祠相見黃泉死猶生也德可隱逸傳才可文苑傳品可獨行傳年可耆舊傳

有光青史女而士乎可稱名筆

借書不用費青蚨載酒時還走五都見說搜羅徧吳越

合添清俸買書圖

兄修桐志購書甚夥不僅侍借也

泛宅浮家興不孤東吳風景似西吳追思一舸同游樂

好補聯吟聽雨圖

甲子年與兄遇於滬上曾為聽雨聯吟圖記而圖則迄未續也

海上繁華轉眼枯閉門著述自堪娛養疴今又移家去

待作耦園高臥圖

兄今移居吳門沈氏少藍妹家之耦園



海墨

外緣

蘇州府志卷之五
蘇州府志卷之五
蘇州府志卷之五

蘇州府志卷之五
蘇州府志卷之五
蘇州府志卷之五

蘇州府志卷之五
蘇州府志卷之五
蘇州府志卷之五

蘇州府志卷之五
蘇州府志卷之五
蘇州府志卷之五

蘇州府志卷之五
蘇州府志卷之五
蘇州府志卷之五


余今專以輯志圖記寄示 陳括
甫冬贊書曰本為代乞中為講公
題詞並承 鴻富在士別繪四圖
見寄已請 俞墨園者筆題海
外墨緣四字書簡端裝成卷卷
留示後人茲收錄 鴻富在士別繪
墨本見寄伴可鈎刻特自題此四

字書圖前云中國之詩圖合刊
一冊並使後人後吾年迹云尔
光緒庚寅六月下浣一日


達叟教養力疾作書吳下
唐廬之墨花吟館時年
六十有九




陵餘叢攷
石英
符




瓶酒
借書
英
校





五



蓬窓載筆英




四

海濱閑戶

右輯志四國博

巖木史芝僧先生一祭

日本東京 鴻齋居士石英



自題海外四圖仍用原韻
天倫之樂中外相如况吾東國同
久有書 沽名海外人嘆未癡足
利古本大有色也 鴻富山水妙
絕一時畫以風景彷彿見之 蓮
萊仙人多好在樓共待招我何日
來游 桐溪達叟再筆



海外繪圖題詞附後

日本鴻齋居士繪 浙江海鹽喆甫陳明遠題

咳餘叢考圖 手執董狐筆身披老萊衣娛親有著作
盛事古來稀

瓶酒借書圖 慨然借荊州丁固真豪友聊當漢書看
先生好下酒

蓬窗載筆圖 人見書畫舫都說米元章文光犯牛斗
我疑泛槎張

海濱閉戶圖 高樓聳百尺著書長閉戶西望子陵臺
兩人並千古

庚寅春日 陳參贊哲甫先生出其鄉人

嚴太史芝僧先生墨花吟館輯志圖記見贈屬繪四

圖余素不能畫重以

太史文望之高興 參贊交契之雅又不獲辭勉塗

應 命媿媿慙慙圖成 參贊各系以詩並為分

書之日本鴻齋居士石川英並識

小詩四章奉題

芝僧先生墨花吟館輯志圖即呈

鄧正

日永蘭陔草色萋攤書滿案錦為題家庭韻事同甌北

圖識何妨趙貴西

右陔餘叢攷 趙雲崧先生官貴西道

辛苦蒐書用力勤抱殘庫裏忘朝曛 杭州丁松生大令有書庫抱殘圖

那知敘刻楊園集尚有遺珠補藝文

右瓶酒借書 道光己亥獨山莫子偲徵君校刻楊園集於遵義其敘應收敘有云他日

兩廡俎豆必不能少此一席之語蓋在未經從祀以前尤為特識也

一舸飄然吳越間垂虹亭下往來便當君容與停舟日

我去松陵已四年

右蓬窗載筆 同治九年余署吳江縣事次年交卸君設局修志在十三年甲戌之夏余

去已久未申東道之誼良用歉然

春申江上豫園東余亦全家作寓公恨少人間清靜福
高樓坐擁萬書叢

右海濱閉戶

余自光緒二年冬奉命出洋全家移寓滬城先後凡八年然余實未嘗一日間住人生讀書清福良不易得如君真可羨也

蕓齋弟黎庶昌未定草

庚寅春仲

芝僧年祖賜寄墨花唵館感舊懷人集及輯志圖
記命分贈海東朋好並徵題詠當倩日本石川君
鴻齋繪輯志圖四乞中外同人題詞得十餘家
明遠既按圖分題四章囑鴻齋書於畫幅意猶未盡

復成六絕郵塵

誨正

一編辛苦數生平病榻敲詩對短檠我在蓬萊山上望
壽人星映客星明

東海人知有曲園

俞曲園先生有東瀛詩選

今聞達叟是朝元雞林

傳遍香山句中外文名北斗尊

淋漓手筆如椽大半世勤劬一志中繪出四圖顏色好
祇因心血照來紅

廿載臯比擁梓桑幾多桃李植門牆儲才爲國狂奴願

明遠久思在家鄉創一中西書院講求實學乃集資不易有志未逮安得康成主講堂

熙朝二老足千秋何幸親隨杖履遊三世交情深似水
富春江接曲江流先大父同譜中明遠受恩知之深者惟南皮相國與公爲二
廣搜海外詩書畫添寫先生輯志圖猷媿羸駑來附驥
竟將魚目答明珠

年再姪陳明遠謹識於扶桑使廨

墨花吟館輯志圖題詞並引

芝僧太史先生東南名宿器重一時往歲居桐鄉
纂修邑乘褒誅各當體例尤嚴康志武功斯爲繼
響 陳君喆父出眎斯圖重索題詠圖凡有四自
題詩廿有二首余與

公猶子鳧薌少有同學之好未敢以後進辭謹就
詩中語意妄綴四章分題其後韻則仍用拙著春
風疊唱自七十一疊至七十四疊錄請

鈞政

循吏名儒並閩秀

公兄爲伯雅太守公妹爲耦園師夫人並有才望

宗風好向

德門探萱幃問字新詩就萊服承懽妙舞諳千載文章
言累萬一堂酬倡代同三若將直筆爭前輩甌北還應
讓董南

荆州借得杭州住卓犖羣書二酉探求已求人崇恕合
冷官冷眼選詩譜改題名勝新圖八有意矜嚴約法三

四
僥倖奚童能附鳳提壺抱冊掖門南晉書天文志掖門南三星一處土二

議士三博士公則可以兼之

一棹米家書畫舫烟波吳越任搜探不妨大著春秋擬

要數 熙朝掌故譜圖列左方遷史右市經五處樂鄉

三諮諏十四都區徧寂寞扁舟玉鎮南邑境遺聞采訪殆盡惟玉溪鎮

竟一無可錄

白頭太史高樓臥杖履羞教市俗探天與瘖聾心地淨

士先器識鑒家諳海濱大老遺賢一篋內奇文數感三

公集中有三感篇為合肥相國豐潤副憲聞說伯通重

邑城隍神皆因客匪之事而作最為奇構賃廡龍門今在虎溪南近由上海移居吳門

庚寅閏花朝後四日來安下走孫點君異甫題於

日本東都皇華使署

北堂日永蕙萱叢健筆凌雲氣似虹佳句滿囊書滿架
全家人坐古香中

美酒千鍾當月俸積書萬卷作花觀金壺濡染史公筆

駭目蛟龍起墨瀾

船窗高臥看青山寄興沙鷗志乘間欸乃數聲歌一曲

墨花飛處水雲閒

爾雅臺兼文選樓長留天壤擅風流只今江上子陵宅

夜夜寒光射斗牛

庚寅春吾宗

詰甫兄出

芝僧先生輯志圖屬題各賦一詩請正 大方不計詞

之工拙也

貴陽陳矩

右墨花吟館輯志分圖一曰陔餘叢考一曰瓶酒

借書一曰蓬窗載筆一曰海濱閉戶爲

芝僧嚴先生修桐志時作也庚寅閏春

哲夫贊使既承 命題畫復徵海東詩

先生吾浙耆宿心嚮久之今展丹青尤殷私淑惜蹄涔

量細莫罄淵深勉成七言排律十六韻總解四圖

謹呈 郵政

霓裳隊裏早抽簪歸里閒游箸述林兩字春秋千古識
一編風雨十年心荻灰未泯歐成吏蘭膳有芬束補吟
戲罷斑衣開錦帙奉將慈訓作師箴飽探東觀書中秘
更乞西冷架上森黃嬾多情頻應召青州解事不停斟
奇才宋豔班香擅樂意吳根越角尋明媚江山堪擷秀
縱橫河洛好鈎深樓登王粲韻同逸宅借春申塵莫侵
插脚偏隣歌舞地濡毫盡括去來今時披榛莽幽馨發
徧訪粉榆耆德欽畫稿全憑詩稿附燭花長映墨花淋
搜羅大富杯名玉好惡無私鑑握金壽世文章光北斗
方家伯仲見南潯勇能集義何妨獨趣到忘言勿礙瘖

圖裏若添垂釣叟桐溪知是客星臨
對縣奉化後學蔣子蕃書於日東節署之蓬萊咫尺樓
嚴芝僧先生浙水鴻儒也以名太史退居林下日事著
述前讀所箸墨花吟館詩鈔心久欽服時陳哲
甫都轉出其輯志圖屬題展觀一過作者林立佳
句滿幅自慙韶齡失學莫知聲韻楚謠艱調未敢
更登諸大雅之堂集唱漁詞妄思上副君子之選率
成四律卽乞教政
繼迹馬班推著作南陔愛日映東厨承歡萊彩拖青紫
染血蒲編化赤烏名並邵公稱學海例師永未訂詩圖

他年寫入儒林傳千古文章亦煥乎

八千良產誇丁顛一使專車借士安信友風懷眞落落
史公才思何磐磐尋繇未忍鄉人負舉約先徵素業完
幸有奴僮差解事提壺相慰箸書難

一葉扁舟自在游江山勝蹟畫圖收樵歌隱約神仙館
帆影微茫煙雨樓夢裏覃思應吐鳳胸中豪氣已吞牛
粲然大義誇椽筆節孝忠廉事共留
平生精力盡此篇騰褒裁貶歎無前至文穀粟儀新學
絕響咸韶邁往賢近海魚龍嫻姓字當春花月粲丹鉛
望洋飽積識荆愿一瓣心香奉玉川

芸窗輯志侍萱堂萬卷書堆七尺牀比却兒時授經夕
青燈白髮味殊長
百壺酒借百城書書味清醇酒味如童子亦知崇儉素
抱來提去不備車
泛宅浮家張子同筆牀茶竈陸龜蒙畫圖傳世俱千古
目送青山倚短篷
閉門靜把簡編鈔江上客居嫌客敲亂帙縱橫可容膝
宛然陸子舊書巢
庚寅春奉寄題

達叟先生墨花吟館輯志四圖卽希墨鈔三干首

郢政

江都向榮拜稿

陳參贊詰甫來敝國賜

尊著墨花吟館詩鈔十六卷及試帖一卷始知

大芳名又驚其大著今茲庚寅春仲又賜感舊懷人集
及輯志圖記且屬四圖余謝不敏不許乃因
尊序分四時而畫之別賦小詩四首污

電

咳餘叢攷圖

孫子團欒喜溢眉賞春花下共傾卮誰知萬卷著書筆
既兆香楸降夢時

瓶酒借書圖

日永風微夏已闌幾瓶盛酒借書看詩才覓到杜韓城
大著盡為瓊版刊

蓬窗載筆圖

長江波穩荻花香日送青山舉巨觴豈啻輕舟纜載筆
胸中萬卷暴秋陽

海濱閉戶圖

淺水環樓好濯纓獨耽吟詠避塵情墨花唵館三千首

都是敲金戛玉聲

日本東京鴻齋居士石英呈稿

春蘭采采補笙詩膳罷馨香沁硯池

如綵戲書由酒借勝錢癡

柳纒飄越國絲

閉門時

灘光七里夢飛來心折波濤良史才韓志圖成傲鷗鷺

懷人詩好到蓬萊

花笑狂奴蘸甲盃醉上元龍樓百尺

望斷子陵臺

瓶酒借書圖

蓬窗載筆圖

海濱閉戶圖

硯池

錢癡

越國絲

海濱閉戶圖

君有墨花吟館

時

贊折簡招飲

庚寅春日 清國陳參贊喆甫屬題桐溪

嚴達叟先生墨花吟館輯志圖率賦七言長句二

謝人章伏乞 謝書人集一卷 謝書人集一卷

日本東京森大來拜手初草

庚寅之春 陳參贊喆甫出

芝僧太史先生墨花吟館輯志圖屬題卽各賦一絕

恭請 恭請 恭請 恭請 恭請 恭請 恭請 恭請 恭請 恭請

鄂政匆率之作知不值 香小照出 香小照出 香小照出

大方之一笑也 日本東京齋風士百英呈詩

北堂風暖氣悠悠蘭玉成羣繞勝遊一部君家新輯志

母慈子孝足千秋 四日 四日 四日 四日 四日 四日 四日 四日 四日 四日

名山秘閣爲君開萬卷堆中笑把杯真箇奚僮能解事

春風庭上借書回

且拋名利臥扁舟越水吳山任浪遊筆墨有靈真絕俗

煙波清氣撲羊裘

偏愛樓居與俗疏興酣重著五車書閉門合把前賢比

落落千秋董仲舒

日本東京初山逸拜稿

桐志重修勤採刪決然夙謝鳳池班誰知創始千秋業

剛在南陔談笑間

便便腹笥有餘寬，瓶酒也宜補博觀。珍重良朋交誼厚，
讀書容易借書難。夫然風鶴驚心，班荆映燭，故千林業
烏蓬斑管意從容，塵外名山一笑逢。眼底茫茫天水接，
烟波隨處寄高踪。日本東京大學醫學部
越水吳山任所之，春申風月閉門時。爭從海角傳新著，
感舊懷人枕上詩。且辨右題墨花吟館輯志圖四章
達叟詩宗先生高，屬并請

明治庚寅四月十四日

石埭永坂周求是草

當年珥筆賦長楊，蹀躞花磚日影長。歸詠南陔承色笑，
萊衣猶帶御爐香。

石渠天祿久探奇，豈有人間未盡窺。聊爲江鄉徵古實，
牙籤往返藉雙瓶。南天
載筆知非汗漫遊，浮家泛宅一扁舟。片帆吳越江山裏，
贏得清名到白頭。

海國棲遲戶不開，桐江江上有高臺。題詩我自慙申李，
獨羨千秋曠代才。先生懷人詩有李藕船申琴泉皆朝鮮人

參贊 陳喆甫太守囑題

嚴達叟先生輯志四圖聊述欽遲卽希

鄧正

朝鮮行人汕僦俞箕煥

曩昔僑居歇浦曾侍 家君與

伯雅世伯時相過從竊聞

縑生世伯詩文碩望愧未一瞻幸範私淑者久矣今

春於

陳哲甫贊使處得讀所著墨花吟館詩鈔并出示

輯志圖記屬題深愧不文又弗克辭爰成拙句四

章錄請繩削敬備他時羔雁云爾

咳餘叢考圖

東觀歸來侍北堂纂修猶似昔年忙咳餘別有承親志

邑乘新編墨自香

瓶酒借書圖

奇書借得苦搜羅判讀奚奴進酒螺贏得一杯常在手

墨花飛處醉痕多

篷牕載筆圖

中流容與放輕船越水吳山去復還明月滿牕書滿篋

興酣墨飽筆如椽

海濱閉戶圖

吳淞江上著書樓萬變龍蛇筆底留文獻吾鄉存魯殿

紫陽涑水共千秋

世愚姪金采待刪草

奉和

嚴太史芝僧寄日本諸公十二絕

朗讀佳篇懷益切
啟窗遙望幾重山
恨無縮地壺公術
空羨孤鴻帶月還
夙聞太史擅奇才
名溢九天轟九垓
何幸瓊章超渤海
入吾甕牖照蒿萊
詞壇老將獨推君
鬪麗爭妍迥拔羣
星象昭昭何處隱
釣魚臺畔策詩勲
沈子才毫雅且奇
折衷古法適今時
驚看輯志新圖巧

清代將知有郭熙

太史文才冠大邦
墨花詩集亦無雙
便便腹笥千函富
九九丁夫不可扛

小技堪羞海外傳
過評何計累名賢
前身或是生中土
未克金環記宿緣

一枝秃筆戲為圖
結得文緣隔海隅
當日少游憐眇妓
也同 達叟愛聾奴

余十年來左耳不聰

天道是非滋可疑
精勤刻苦陷窮奇
笑吾涉世真迂拙
僅把枯毫學虎兒

李唐文物轉瀛東
延喜諸生最備雄

延喜年間諸生學於唐者皆有盛名

幸有使君維鷁首請尋墜緒繼前功

謂黎星使陳參贊諸公

佳篇自合壽黎桑傳播中華及異鄉維嶽降神祥入夢

攜來萬匹錦雲章

春申江上老先生嘯月吟風寡宦情若愛櫻花鋪錦地

來遊蓬島玉牆城

玉牆內國日本古名

醉擊唾壺驚四隣高歌何擇舊兼新目為三絕便訛矣

我是日東癡絕人

太史詩有公然三絕擅蓬萊句故及之

大斧

日本東京鴻齋居士石英呈藁

光緒庚寅春日余以輯志圖記寄世好

陳哲甫參贊於日本承代乞中外

諸名公寵錫佳章並得

鴻齋居士別繪四圖寄贈欣荷之餘如獲至寶謹

賦十二章用達謝忱伏望

傳觀指教為幸

萬國通商東國近不徒琛贐達中山

當中外未通商前僅琉球一隅通貢

於今方信同文盛翰墨私交任往還

五畿七道富人才若木光華照九垓最數鴻齋居士勝

公然三絕擅蓬萊

鴻齋而外有三君

謂森大叔山詞翰清新迥出羣想見石埭三先生

東瀛詩選內

此集為俞曲園前輩所選騷壇鼎立策奇勳

何甥本是佳公子六法能工少小時忽學君苗莢筆硯

祇因海外有徐熙沈硯傳外甥瑞琳為仲復中丞前輩乘成長子年甫十八工繪事因屬繪

此四圖乃昨見鴻齋居士所繪輒為歎絕請煨所作其服善殊可嘉也

東海同文止兩邦三韓名士記雙雙而今又有才人出

筆力依然鼎可扛余舊識高麗使臣李藕船申琴泉二君於京邸故於感舊詩中及之今適

遇朝鮮行人俞公汕個奉使日本得荷題詞亦文綠也

萬里音書十日傳哲甫參贊此次所寄詩畫十日即達向無此速詩來海外感

羣賢如何不見岡千仞曾記申江一面緣岡君為日本名士曾於甲

申年在滬上相遇以家集桐志為贈

琳琅滿幅寵題圖贏得虛聲播海隅不是太邱工介紹

外交無分及狂奴謂哲甫參贊

君詩雖好惹人疑宰相山人作對奇豈是蘇長公再世

上陪玉帝下卑兒哲甫題詩述及三世交情以余與南皮相國並列

中外人文會海東一枝龍節最豪雄萬言書記當年讀

合策中興第一功謂黎菴齋星使同治初元以書生上封事竟蒙錄用實為數百年奇遇

此生恭敬梓兼桑庾袞新鄉似故鄉却感兩鄉人愛我

四家合璧好詞章余以浙人而舉於黔故於兩省皆有鄉誼此次題詩者星使黎公貴陽陳

公皆黔人參贊陳公奉化蔣公皆浙人

江東二妙筆花柱謂來安孫公采到湘蘭倍有情謂李

公尚惜日禪詩未達不知何處石頭城金公采有詩別

託公

痼疾餘生與鬼鄰不圖海外墨緣新所承諸君子寄贈

輩題海外墨緣四字裝成長且欣小小桐溪志傳播扶

桑絕域人不卑良

庚寅四月九日桐溪達叟嚴辰力疾作於吳下寓

廬時年六十有九

前詩寫寄海東後得哲甫參贊報書知江都向公

乃日本之江都非我邦上也而前詩業經付梓不

能聽其傳訛復作一絕以正之又金公惠疇因寄

詩不到補寄二次而前函適與同到亦一奇也並

紀一詩

未曾東國攷輿圖誤認顏標笑我無中外地名偏偶合

向江都配董江都

詩盼仁山遲不到浮沈祇道付洪喬誰知雙鯉同時獲

海上今番遇杏潮

庚寅七夕達叟續筆

與寅卜之數更餘筆

新土今番勝杏暉

精細心山豈不怪
料與斯能竹葉喬
指味雙豎同相尋
向正滿頭董玉階

未會東園好與
國無窮應樂笑
毋無中伏此
亦謂合

味一精

精不匪詠審二
笑而謂函說與
同陸衣一香也
並

誰歸其勢指
勢非一除以五
之文金公應
對四春

